

## **Tswana - Keletso Dikwalo - Lust Scriptures**

**Ekesodu 15:9 Mmaba a re: ‘Ke tla ba latela, ke ba tshwara, ke aba thopo, ke kgorisa keletso ya me ka bone; ke tla somola tšhaka, ke ba nyeletska ka letsogo la me.’**

**Ekesodu 18:21 Mme o itlhophelle banna ba ba nonofileng mo morafeng otlhe ba ba boifang Modimo, banna ba nnete, ba ba ilang kgwebo ya tshiamololo, o ba dire baokamedi ba morafe; bangwe e nne ba ba okamelang ba le sekete, ba bangwe ba okamele lekgolo, ba bangwe 50, ba bangwe lesome**

**Ekesodu 20:14 O se ka wa akafala.**

**Ekesodu 20:17 “O se ka wa eletsa ntlo ya mongwe-ka-wena. O se ka wa eletsa mosadi wa mongwe-ka-wena, le e seng motlhanka wa gagwe, le e seng lelata la gagwe, le e seng kgomo ya gagwe, le e seng esele ya gagwe, le e seng sepe se e leng sa mongwe-ka-wena.”**

**Numeri 11:4 Mme batho ba e leng masele ba ba neng ba le mo go bone, ba ineela mo dikeletsong. Le Baiseraele ba lela gape ba re: “Ke mang yo o tla re jesang nama?**

**Doiteronomio 5:21 “Le gona o se ka wa eletsa mosadi wa mongwe-ka-wena. Le gona o se ka wa eletsa ntlo ya mongwe-ka-wena le e seng tshimo ya gagwe le e seng motlhanka wa gagwe le e seng lelata la gagwe le e seng kgomo ya gagwe le e seng esele ya gagwe le e seng sepe se e leng sa mongwe-ka-wena.’**

**Doiteronomio 12:20 E re fa Morena, Modimo wa gago, a katolosa molelwane wa gago jaaka a go soloeditse, mme o rata go ja nama, ka o e eletsa, gona o ka e ja ka fa keletsong yotlhe ya pelo ya gago.**

**Doiteronomio 22:22 E re fa monna a fitlhelwa a robetse le mosadi yo o nyetsweng ke monna, a ba swe ka bobedi jwa bone, monna yo o robetseng le mosadi le ene mosadi. O tlose bosula jalo mo go Iseraele.**

**Josua 7:21 Mo thopong ka bona kobo e ntle e le nngwe ya kwa Sineare le dišekelle di le 200 tsa selefera le lekwete la gouta; bokete jwa lone e le dišekelle di le 50; ka di eletsa, ka di tsaya. Bona, di epetswe fa fatshe mo gare ga tente ya me. Selefera e ka fa tlase.”**

**DipeSalome 10:3 Gonne moikepi o ikgantsha ka keletso ya gagwe; mmapadi wa tsietso o tshegofatsa ke go re o kgala Morena.**

**DipeSalome 78:18 Ba leka Modimo mo dipelong tsa bona ka go lopa dijo ka fa kgatlhegong ya bona.**

**DipeSalome 78:30 E rile ba ise ba bakele keletso ya bona, nama e sa ntse e le mo maganong a bona,**

**DipeSalome 81:13 Ke fa ke ba naya tsela ka ntlha ya logwadi lwa dipelo tsa**

**bona; ba itsamaela ka fa maitaolong a bona.**

**DipeSalome 106:14 Ba tlala keletso mo sekakeng, ba raela Modimo kwa nageng e e senya.**

**DipeSalome 119:36 Sekegela pelo ya me kwa ditshupong tsa gago, mme e seng kwa boikhumi song.**

**Diane Salema 1:19 Ke tsona ditsela tsa botlhe ba ba batlang kgwebo ya tshiamololo: yona e tla amoga beng ba yona bophelo.**

**Diane Salema 6:25 Se eletse bontle jwa gagwe ka pelo ya gago; le gona a a se ka a go gapa ka dintshi tsa matlho a gagwe.**

**Diane Salema 15:27 Motho wa kgwebo ya tshiamololo o hudua ntlo ya gagwe, mme yo o ilang dineo tse di faposang o tla phela.**

**Diane Salema 21:25,26 Keletso ya setshwakga e a se bolaya gonne diatla tsa sona di gana go dira. 26 Yo o pelotshetlha o eletsa letsatsi lotlhe, mme mosiami o a fa, ga a timane.**

**Diane Salema 28:16 Molaodi yo o tlhokang tlhaloganyo ke mogateledi yo mogolo, mme yo o ilang kgwebo ya tshiamololo o tla phela ka bolele.**

**Jesaya 56:11 Ee, ke dintšwa tse di megagaru, di batla dijo thata, di sa kgore. Gape ke badisa ba ba sa itseng go tlhokomela. Mongwe le mongwe o fapogela mo tseleng ya gagwe, a latela kgwebo ya gagwe, ba botlhe ba dira jalo.**

**Jesaya 57:17 Ke ne ke le bogale ka ntlha ya tshiamololo ya bopelotshetlha jwa bone, ka ba itaya ke ntse ke iphitlha ke galefile. Mme ba itsamaela mo boikepong le mo boithatelong jwa dipelo tsa bone.**

**Jeremia 6:13 Gonne botlhe bao ba rata kgwebo ya tshiamololo, ba banny le ba bagolo; botlhe bao ba a tsietsa, le fa e le baporofeti gongwe baperesiti.**

**Jeremia 22:17 "Mme matlho a gago le pelo ya gago di batla kgwebo ya gago ya tshiamololo fela, le go tsholola madi a a se nang molato, le go gatelela le go patika."**

**Jeremia 51:13 Wena yo o agileng fa dinokeng tse dikgolo, yo o humileng dikhumo, go tlide bokhutlo jwa gago le khutliso ya kgwebo ya tshiamololo ya gago.**

**Hesekiele 6:9 Mme ba ba falotseng ba lona ba tla nkgopola ba le kwa ditšhabeng tse ba isitsweng mo botshwarong kwa go tsona. Ke tla phatlola dipelo tsa bone tse di akafalang le go ikepa mo go nna, le go tlhontsha matlho a bone a a akafalang, a sala medimo ya bone e e maila morago. Foo ba tla inyatsa ka bosí ka ntlha ya masula a maila otlhe a bone a ba a dirileng.**

**Hesekiele 14:4,5 "Ka moo bua nabo, o ba ree o re: 'Morena Modimo o bua jaana a re: Monna mongwe le mongwe wa Baiseraele yo o tlötłomatsang medimo e e maila ya gagwe mo pelong ya gagwe, a ipeela sekgopiso sa boikepo jwa gagwe fa pele ga gagwe, a tloga a ya kwa moporofeting, nna Morena ke tla mo araba ka nosi ka ntlha ya medimo e e maila ya**

**gagwe; 5 e le gore ke tshware dipelo tsa Baiseraele tse di ntihadileng tsotlhe ka ntlha ya medimo e e maila ya bone.'**

**Hesekiele 22:12 Kwa ga eno ba amogela thelesetso gore ba tsholole madi; o tsadisa madi, o amogela koketso; o gatelela mongwe-ka-wena ka kgwebo ya tshiamololo, mme nna o ntebetse.' Go bua Morena Modimo.**

**Hesekiele 33:31 Jaanong ba phuthegela kwa go wena jaaka morafe, ba nna fatshe fa pele ga gago jaaka morafe wa me, ba utlwa mafoko a gago, mme ga ba a ke ba a dirafatsa; gonne ba bua maikano a lorato ka melomo ya bone, mme dipelo tsa bone di latetse kgwebo ya bone ya tshiamololo.**

**Hosea 4:12 Morafe wa me o botsa logong Iwa ona; kotana ya ona e a ba itsise. Gonne mowa wa boaka o ba timeditse, ba dira boaka ka go tlogela Modimo wa bona.**

**Hosea 5:4 Ditiro tsa bona ga di ba letlelele go boela Modimong wa bona; gonne mowa wa boaka o mo teng ga bona, mme Morena ga ba mo itse.**

**Miga 2:2 Fa ba eletsa masimo, ba a thukhutha, gongwe matlo, ba a a tsaya; ba gatelela monna le ntlo ya gagwe, ee, monna le boswa jwa gagwe.**

**Nahume 3:4 Ke ka ntlha ya boaka jo bogolo jwa seaka se sentle se se kgatlhisang, setswerere sa mereo ya boloi; se se tsieditseng ditshaba ka boaka jwa sona le ditshika ka mereo ya boloi ya sona.**

**Habakuke 2:9 A tatlhego wee ya yo o bapalelang ntlo ya gagwe khumo ka tsietso gore a ikagele sentlhaga kwa godimo go ipoloka gore tatlhego e se mo wele.**

**Mattheo 5:28 Mme nna ke lo raya ke re: Mongwe le mongwe yo o lebang mosadi ka go mo eletsa, o setse a dirile boaka nae mo pelong ya gagwe.**

**Mareko 4:19 Mme matshwenyego a metlha eno le tsietso ya lehumo le dikeletso tsa dilo tse dingwe di tsene, di hupetse Lefoko, mme le tlhoke leungo.**

**Mareko 7:22 le tsa boikanyologo jwa banyalani le megagaru le tsa bokgopo le bolotsana le boitaolo le lefufa le go kgala le boikgantsho le bosilo.**

**Luka 3:14 Batlhhabani le bone ba mmotsa ba re: "Mme fa e le rona, re dire eng?" A ba raya a re: "Se gateleleng ope, se lefiseng ope ka patiko; mme lo itumelele tuelo ya lona fela."**

**Luka 12:15 A boa a ba raya a re: "Elang tlhoko, lo itise mo megagarung yotlhe; gonne le fa mongwe a na le letlotlo, ga a bone bophelo ka tse a nang natso."**

**Luka 16:14 Jaanong le Bafarisai, ba ba neng ba rata madi, ba utlwa tsotlhe tse, ba be ba mo sonya.**

**Johane 8:44 Lona lo tswa mo go rraeno Diabolo, lo bile lo rata go dira dikeletso tsa ga rraeno. Ene e ne e le mmolai wa batho go tswa tshimologong, ga a a ka a tlhomama mo boammaaruring; ka gonne ga go na boammaaruri bope mo go ene. Fa a bua maaka, o bua se ene a leng sona; gonne ke ene moaki le rraa-maaka.**

**Ditiro 20:33 Ga ke a ka ka eletsa selefera le fa e le gouta le fa e le diaparo tsa ga ope.**

**BaRoma 1:24-29** Ka ntlha ya moo Modimo o ba neeletse mo masweng ka dikeletso tsa dipelo tsa bone gore ba tlotlololane mebele; 25 ba ba fetotseng boammaaruri jwa Modimo maaka, mme ba tlotla setlhodiwa, ba se direla bogolo go Motlhodi yo o tshwanetsweng ke pako ka bosakhutleng. Amen. 26 Ka ntlha ya moo Modimo o ba neeletse mo dikeletsong tse di tlhabisang ditlhong; gonne mokgwa o e leng wa tlholego, basadi ba bone ba o fetotse o e seng wa tlholego. 27 Fela jalo le banna ba tlogela go dira le mosadi ka fa mokgweng wa tlholego, ba tukelana ka dikgatlhego tsa bone, banna ba dira matlhabis-a-ditlhong le banna ba bangwe, ba amogela tuelo e e tshwanetseng timelo ya bone mo go bona ka bosi. 28 Mme ka ba ne ba sa re sepe go itse Modimo, Modimo o ba neeletse mo maitlhomong a bokgopo go dira dilo tse di sa tshwanelang, 29 ba tletse tshiamololo yotlhе le boaka le bosula le bopelotshetlhа le bokgopo; ba tletse lefufa le polao le ntwa le boferefere le bolotsana;

**BaRoma 6:12** Jaanong mebele ya Iona e e swang, a boleo bo se tlhole bo e Iaola, mo lo ka utlwang dikeletso tsa yona.

**BaRoma 7:7** Jaanong re tla reng? A ke go re, molao ke boleo? Ga go a nna jalo; mme nka bo ke sa itse boleo., fa e ne e se ka molao. Le yona keletso nka bo ke sa e lemoge, fa molao o ka bo o sa re: "O se ka wa eletsa!"

**BaRoma 13:9** Gonne ditaolo tse di reng: "O se ka wa dira boaka; o se ka wa bolaya; o se ka wa utswa; o se ka wa supa tshupo ya kako; o se ka wa eletsa,"le fa go ka ne go le taolo e nngwe e sele, di akarereditswe ka lefoko le reng: "O rate mongwe-ka-wena jaaka o ithata."

**BaRoma 13:14** mme aparang Morena Jesu Keresete, lo se tlameleng mmele ka mokgwa o o ka tsosang dikeletso tse di bosula.

**1 BaKorinthe 5:10,11** ke sa ree gotlhе le baakafadi ba lefatshe leno gongwe ba ba pelotshetlhа gongwe dinokwane gongwe badiredi-medimo; gonне foo lo ka bo lo na le go tlogela lefatshe. 11 Mme tota ke lo kwaletse gore lo se tlhakane le ope yo o bidiwang modumedi, etswe e le moakafadi gongwe yo o pelotshetlhа gongwe modiredi-medimo gongwe mokgadi gongwe letagwa gongwe senokwane; ke raya gore yo o ntseng jalo le go ja lo se ka lwa ja nae.

**1 BaKorinthe 6:9,10** A kampo ga lo itse gore basiamolodi ga ba kitla ba rua puso ya Modimo? Se tsietsegeng; le fa e le diaka gongwe badiredi-medimo gongwe batlhadi gongwe banna ba ba akafalang le banna 10 gongwe magodu gongwe ba ba bohula gongwe matagwa gongwe bakgadi gongwe dinokwane, ga go ope wa bone yo o tla ruang puso ya Modimo.

**1 BaKorinthe 10:6** Mme dilo tseo di dirafetse go nna dikao mo go rona gore re se eletsе tse di bosula jaaka bone ba ne ba di eletsa.

**1 BaKorinthe 12:31** Tlhoafalelang dineo tse di molemo bogolo! E bile ke sa

**ntse ke tla lo supetsa tsela e e siameng go feta.**

**1 BaKorinthe 14:39 Ka moo he, ba ga etsho, tlhoafalelang go ranola Lefoko la Modimo, mme lo se iletse go bua ka Ioleme.**

**2 BaKorinthe 9:5 Ke ka moo ke fitlhetseng go batlega gore ke kgothatse bakaulengwe ba gore ba re etelele pele go tla koo go Iona, ba baakanye neo ya tshegofatso ya Iona go sa le kwa pele, e e begilweng pele, gore e nne e e baakantsweng jaaka neo ya tshegofatso, e seng jaaka ya bohula.**

**BaGalata 5:16-20 Mme ka re: Tsamayang ka fa Moweng, foo ga lo ne lo dirafatsa dikeletso tsa nama. 17 gonnesa nama e eletsa tse di tlhabanang le mowa, le mowa o eletsa tse di tlhabanang le nama; dilo tse, di emevelanye gore lo se ka Iwa dira tse lo di ratang. 18 Mme fa lo gogwa ke mowa, ga lo fa tlase ga molao. 19 Ditiro tsa nama di a bonatshega, e bong tlhalo le boaka le se se maswe le boitaolo 20 le tirelo-medimo e sele le tiriso ya meroe le tlhoano le komano le lefufa le dikgakalo le dikganetsanyo le diphapaano le dikgaogano tsa maitirelo**

**BaGalata 5:24 Kana ba e leng ba ga Keresete Jesu ba bapotse nama le dikgotelo le dikeletso.**

**BaEfeso 2:1-3 Le Iona o lo tshedisitse ba lo neng lo sule ka ditlolo tsa Iona le maleo 2 a lo kileng Iwa bo lo tsamaya mo go ona ka fa mokgweng wa lefatshe leno, jaaka mong wa loapi a laola, e bong mowa o le jaanong o dirang mo bathong ba ba sa utlweng. 3 ba le rona rotlhe re kileng ra bo re tsamaya nabo mo dikeletsong tsa nama ya rona, re dira tse di ratwang ke nama le maikutlo, mme re le bana ba bogale ka fa tlhagong fela jaaka ba bangwe.**

**BaEfeso 4:19 ba e reng ka ba latlhegetswe ke maikutlo a botho, ba ineela mo boitaolong, ba ntse ba dira tse di maswe tsotlhe ka bopelotshetlha.**

**BaEfeso 4:22-27 gore lo apole motho yo mogologolo yo o ntseng ka fa tsamaong ya pele, yo o senyegang ka dikeletso tsa tsietso, 23 le gore lo ntshwafadiwe mo meweng ya maikutlo a Iona. 24 mme lo apore motho yo moswa yo o tlhodilweng ka fa Modimong mo tshiamong le mo boitshepong jwa boammaaruri. 25 Ka moo apolang maaka, mme a mongwe le mongwe a bue boammaaruri le mongwe-ka-ene; ka gonnesa re direlana re le ditokololo. 26 Galefang, mme lo se ka Iwa leofa; a letsatsi le se phirime, lo ntse lo galefile. 27 Le gona lo se ka Iwa naya diabolo sebaka.**

**BaEfeso 5:3,5 Boaka le maswe otlhe le fa e le bogagaru di se ka tsa dirwa, le e seng go umakwa mo go Iona, gonnesa ga go a tshwanela baitshepi. 5 Gonnesa moo lo go itse sentle gore ga go ope yo e leng seaka gongwe yo o maswe gongwe yo o megagaru yo o ka nnang le boswa mo pusong ya ga Keresete le Modimo, ka e le modiredi wa medimo e sele.**

**BaKolose 3:5 Jaanong he bolayang ditokololo tsa Iona tsa lefatshe, e bong boaka le maswe le go fisiwa ke keletso le kgathego e e bosula le megagaru e e leng go direla medimo e sele.**

**1 BaThesalonika 2:5 Gonne ga re ise re ke re bue mafoko a a tlakisang jaaka  
lo itse, le e seng ka maano a megagaru - Modimo ke mosupi -**

**1 BaThesalonika 4:3-7 gonne se Modimo o se batlang ke boitshepiso jwa Iona  
gore lo tile boaka, 4 gore mongwe le mongwe wa Iona a itse go nyala  
mosadi ka boitshepo le tlotlo. 5 e seng ka go fenngwa ke keletso, jaaka  
baheitane ba ba sa itseng Modimo. 6 A go se nne ope yo o patikang  
mokaulengwe wa gagwe, le e seng go mo tsietsa mo thekisanyong; gonne  
Morena ke mmusolosi mo dilong tsotlhe tseo, jaaka re kile ra lo bolelela,  
ra lo tlhomamisetsa. 7 Gonne Modimo ga o a re biletsha boitshekologong, o  
re bileditse boitshepisong.**

**1 Timotheo 3:3,8 e se letagwa, a se borumolano, e se mmatli wa mahumo ka  
mokgwa o o maswe, mme a le tsalano, e se motho wa kgang, e se morati  
wa madi; 8 Badiredi le bone ba tshwanetse go nna batho ba tlotlego, ba se  
diteme-pedi, ba sa itlopele bojalwa, ba sa batle mahumo ka mokgwa o o  
maswe.**

**1 Timotheo 6:9,10 Ba ba ratang go huma ba wela mo thaelong le mo serung  
le mo dikeletsong tse dintsi tsa bosilo tse di senyang, tse di nwetsang  
batho mo tshenyegong le mo tatlheng. 10 Gonne bopelotshetlha ke modi  
wa masula otlhe; e rile batho bangwe ba ineela mo go jona, ba fapoga  
tumelo, ba itirela mathhoko a mantsi.**

**2 Timotheo 2:22 Tshaba dikeletso tsa bokau, o batle tshiamo le tumelo le  
lorato le kagiso mmogo le ba ba bitsang Morena ka dipelo tse di  
itshekileng.**

**2 Timotheo 3:2 gonne batho e tla nna baithati, baratamadi, baipoki,  
baikgantshi, bakgadi, ba ba sa utlweng bagolo, ba ba sa lebogeng, ba ba  
sa itshepang,**

**2 Timotheo 3:6 Gonne mo go bao go na le ba ba kukunelang matlo, ba  
ikgapela basadi ba ba se nang maitsholo, ba ba tletseng boleo, ba gogwa-  
gogwTa ke dikeletso tsa mefutafuta.**

**2 Timotheo 4:3 gonne go tla tla sebaka se ba tla ganang thuto e e  
itekanetseng ka sona; mme ba tla ikgobokanyetsa baruti ka fa  
dikgatlheng tsa bona ba ba tlakisang ditsebe.**

**Tito 2:12 bo re ruta gore re itatole boikepo le dikeletso tsa lefatshe, mme re  
phele ka tekano le ka tshiamo le ka borapedi mo lefatsheng leno.**

**Tito 3:3 Gonne le rona re kile ra bo re le bosilo, re sa utlwe, re timetse, re  
direla dikeletso le dikgatlhego dingwe le dingwe, re phela ka bosula le ka  
lefufa, re ilega, re tlhoanye.**

**BaHebere 13:5 A tsamao ya Iona e se nne ya go rata madi; itumeleleng tse lo  
nang natso; gonne o buile ka osi wa re: "Ga nka ke ka go tlhokomologa le  
e seng go go tlogela ka gope."**

**Jakobo 1:14,15 Mme mongwe le mongwe o a raelwa, fa a gogwa gongwe a  
okwa ke keletso ya gagwe. 15 Morago e re keletso e sena go nemera, e**

**tsale boleo; boleo jone e re bo sena go tlala, bo tsale loso.**

**Jakobo 4:1-5 Dintwa di tswa kae, le dikganetsanyo di tswa kae mo go lona?**

**A ga di tswe gona mo dikeletsong tsa lona tse di bosula tse di Iwang mo ditokololong tsa lona?" 2 Lo a eletsa, mme lo a tlhoka; lo a bolaya, lo fufege, mme ga lo ka ke lwa amogela sepe; lo tsose kgang, lo lwe, mme lo a tlhoka, ka lo sa rapele. 3 Lo a rapela, mme ga lo amogele sepe, ka gonne lo rapela ka mokgwa o o bosula, gore lo tle lo senye dilo ka bofafalele mo dikgatlhegong tsa lona. 4 Banna le basadi ba lo senyang nyalano! A ga lo itse gore go tsalana le lefatshe ke go nna mmaba wa Modimo? Kana yo o ratang go nna tsala ya lefatshe o itira mmaba wa Modimo. 5 A kampo lo gopola gore Lokwalo lo buela lefela, fa lo re: "Modimo o tlhologeletswe mowa o o o tsentseng mo go rona ka lefufa"?**

**1 Petoro 1:14 Nnang bana ba ba utlwang, se laolweng ke dikeletso tsa pele tsa go tlhoka kitso ga lona,**

**1 Petoro 2:11 Baratwi, ke kgothatsa lona, ba lo leng bajaki le baeng gore lo ikilele mo dikeletsong tsa nama tse di tlhabanang le mowa.**

**1 Petoro 4:2-4 gore mo sebakeng se se sa ntseng se setse sa go phela a se tlhole a phelela dikeletso tsa batho, mme a phelele thato ya Modimo. 3 Gonne go lekanye, fa re dirisitse thato ya baheitane mo sebakeng se se fetileng ka go tsamaya ka boitaolo le dikeletso le botagwa le bojabele le tlhapelo le ditirelo tsa medimo e sele tse di maila. 4 Ke ka moo ba fithelang lo ba fetogetse baeng, ba a lo nyefola, ka lo sa tlhole lo tsamaya nabo mo boithatelong joo jwa tatlhego;**

**2 Petoro 1:4 Ka tsona o re abetse ditsholofetso tse di tlotlegang, tse dikgolo thata, gore lo nne le kabelo mo popegong ya bodimo ka go dumela tsona, lo sena go falola mo tshenyegong e e mo lefatsheng ka keletso.**

**2 Petoro 2:3 Ka megagaru ya bone ba tla bapala ka lona ka mafoko a maaka. Mme go tloga bogologolo katlholo ya bone ga e diege, le tatlhego ya bone ga e otsele.**

**2 Petoro 2:9-19 go bonala gore Morena o itse go golola baboifa-Modimo mo thaelong, le go bolokela basiamolodi letsatsi la katlholo gore ba watlhaiwe, 10 bogolo bone ba ba latelang nama ka dikeletso tse di maswe, ba nyatsa borena; ba matepe, ba a ikgantsha, ga ba boife go kgala bagalaledi, 11 netswe baengele ba ba ba fetang ka nonofo le ka thata, bone ba sa ise katlholo ya kgalo ka ga bone fa pele ga Morena. 12 Mme baruti bao, ka ba tshwana le diphedi tse di se nang tlhaloganyo, tse ka fa tlhologong ya tsona di tsaletsweng go tshwarwa le go bolawa, ba kgala tse ba sa itseng sepe ka ga tsona; ba tla senyega ka tshenyego ya tsona, 13 ba bona tuelo ya tshiamololo. Ba kaya tlhapelo ya motshegare monate; ke batho ba makgapha le maswe, ba mejo mo ditsietsong tsa bone, fa ba ja le lona. 14 Ba na le matlho a a tletseng go eletsa seaka, a a sa bakeleng boleo; ba oka mewa e e sa tiang, ba na le dipelo tse di tlwaetseng**

**megagaru, ke bana ba ba hutsegileng. 15 Ba tlogetse tsela e e siameng, ba timetse, ba ya le tsela ya ga Bileame, morwa Beore, yo o neng a rata tuelo ya tshiamololo, 16 mme a kgalemelewa tlolo ya gagwe; esele e e semumu ya bua ka lentswe la motho, ya thibela bosilo jwa moporofeti. 17 Bao ke metswedi e e se nang metsi, ke mouwane o o kgweediwang ke ledimo, ke ba ba boloketsweng lenn le lentsho. 18 Gonne ka go bua tsa boikgantsho jwa boithamako le ka boitaolo dikeletsong tsa nama ba oka bone ba e leng gona ba falolang mo go ba ba tsamayang mo timelong, 19 ba ba sololetska kgololesego, mme bone ka nosi ke batlhanka ba tshenyego; gonne se motho o fentsweng ke sona, ke sona se a diregileng lekgoba la sona.**

**2 Petoro 3:3 Itseng pele gore mo malatsing a bofelo go tla tla basotli ba ba tsamayang ka fa dikeletsong tsa bone, ba sotla ba re:**

**1 Johane 2:15-17 Lo se ka Iwa rata lefatshe, le fa e le dilo tse di mo lefatsheng. Fa mongwe a rata lefatshe, lorato Iwa ga Rara ga lo yo mo go ene. 16 Gonne tsotlhe tse di mo lefatsheng, e bong keletso ya nama le keletso ya matho le mabela a bophelo, ga se tse di tswang mo go Rara, ke tse di tswang mo lefatsheng. "Lefatshe lone le a feta le keletso ya lone, mme yo o dirang go rata ga Modimo o nna ka bosakhutleng.**

**Juta 1:11 A tatlhego ya bone wee! Gonne ba tsamaile ka tsela ya ga Kaine, ba itatlhela mo timelong ka ntlha ya tuelo jaaka Bileame, ba latlhega ka go rukhutlha jaaka Kora.**

**Juta 1:15-19 go tla go sekisa botlhe le go betsba baikepi botlhe ka ntlha ya ditiro tsotlhe tsa boikepo jwa bone, tse ba di dirileng ka go ikepa, le ka ntlha ya mafoko otlhe a bodipa a baleofi bao ba ba ikepileng ba a buileng ka ga gagwe." 16 Bao ke bangongoregi ba ba galalang tse ba di newang, ba ba tsamayang ka fa dikeletsong tsa bone; le gona melomo ya bone e bua mafoko a bodipa, ba ntse ba tlakisa batho go ipatlela thuso. 17 Mme Iona, baratwi, gakologelwang mafoko a a sa leng a buiwa ke baapostolo ba Morena wa rona Jesu Keresete, 18 ba lo boleletse ba re: "Mo sebakeng sa bofelo go tla nna basotli ba ba tsamayang ka fa dikeletsong tsa bone tsa boikepo." 19 Ba ke bone ba ba dirang dikgaogano, e le batho ba nama fela, ba ba se nang Mowa.**

**Tshenolo 18:14 "Mme maungo a a elediwang ke mowa wa gago, a tlogile mo go wena, dilo tsotlhe tse di mafura le tse di phatsimang di go latlhagetse, ga di kitla di tlhola di bonwa gope."**